

大日本史


神武天皇
 崇神天皇
 孝靈天皇
 孝元天皇
 孝德天皇
 孝和天皇
 孝元天皇
 孝德天皇
 孝和天皇
 孝元天皇
 孝德天皇
 孝和天皇

景行天皇
 垂仁天皇
 成務天皇
 孝元天皇
 孝德天皇
 孝和天皇
 孝元天皇
 孝德天皇
 孝和天皇
 孝元天皇
 孝德天皇
 孝和天皇

内務省圖書
 第...部書
 函...冊

内閣文庫
 番號 和 12871
 冊數 150(1)
 函號 269 20

269-20



大
六

大日本史

專據國史博
考群書為一
大部之書昭

代之美事堂
構之業勤勞
可想

大日本

史刻本

函恭修

表文庫

文化

七年

庚午冬

上送

京師

既經

關白藤公內覽十二月朔藤公

進

奏伏備

御覽

皇上嘉賞

聖旨如右藤公貽書傳諭臣治紀感戴
天恩不勝抃躍茲就藤公書中謹錄

聖旨并諸卷首永傳不朽云

臣治紀謹識

進大日本史表

臣治紀言伏惟

太陽攸照率土莫匪

日域

皇化所被環海咸仰

天朝

帝王授受

三器徵

神聖之謨訓



寶祚之隆與天壤無窮

國家治亂

一統絕姦宄之窺窬

威靈之遠于華夷有光雖然時運盛衰蓋譬

諸朝暮是以人事得失宜鑒於古今彰往

考來有述有作勸善懲惡或褒或貶屬辭

比事殊方豈無載籍詳內略外正史固存

體裁臣治紀誠惶誠恐頓首頓首欽惟

皇帝陛下紹

天祖之正統

神明其德照臨八方

守聖人之大寶

寬仁之政子育羣生

稽古立事

恭己無為

播文化之輝於宇內何人不遵

聖天子之風教

委弊學之任于關東臣等嘗聞大將軍之家

訓伏念 臣材質愚鈍學問空疎徒承父祖
餘蔭叨膺藩屏重寄爵忝三位尸素之譏
難免官帶參議牆面之陋是慚惟此國史
責在臣家欲竭忠於
本朝盍追孝于前人 臣五代祖光圉少而好
學勇乎爲義雖身在外乃心
王室每慨舊史之闕文欲修
歷世之實錄開館聘士輯錄名山通邑逸書
購求之切馳使幣于遠邇因人傳

奏

許借

蘭臺石室秘冊緝閱之勤忘寢食於晝夜貫
穿馳騁集衆技以成效取捨裁斷發獨得
之特見紀志表傳創立一家之言筆削信
疑庶爲萬世之鑑起自

神武至于明德叙次

一百代上下二千載闡幽微顯原始要終陞
大友于帝紀徵老翁之捧日列

神功于后妃揭

真主於

遺腹西東之爭南北之亂正閔

皇統唯視

神器之在否逆順之際忠奸之別是非人臣
悉由公論而折衷知我罪我蓋深自任刊
之正之有待將來爰自高祖綱條以至先
父治保校訂補修四世之間無怠潤色討
論百年之後稍定顧此一家之撰豈云三

長之具徒閱星霜莫竟功緒先臣之所尤
苦心愚臣何敢不竭力曩遭幕府催督將
使史藁上木竊顧斯書雖屬私撰苟傳于
世有係

國體昔初脫藁假冒題號今且鏤版曷無
奏請乃因百揆之吹噓竊取
九重之進止恭蒙

天意降鑒

許俾書名公行於是累葉志願一朝獲伸踊

躍奉承感激無已速命剞劂之工永省繕
寫之勞先臣所修大日本史本紀七十三
卷列傳一百七十卷校訂粗完雕刻未半
其志表若干有錄無書者方且補修猶未
全備臣愚以爲與其遷延歲月全功告竣
不如嚴立課程隨成

呈上故今紀傳二十六卷刊刻已就者裝成一函聊先
上送餘將續

進謹隨表以

聞上塵

天覽下情無任慚懼戰汗屏營之至臣治紀誠
惶誠恐頓首頓首謹言

文化七年十月吾參議從三位左近衛權中將臣源朝臣治紀上表

大日本史叙

先人十八歲讀伯夷傳

蹶然有慕其高義撫卷

歎曰不有載籍奚夏之

文不可得而見不由史

筆何以俾後之人有所
觀感於是乎慨焉立修
史之志上根據實錄下
採撫私史芻搜名山之
逸典博索百家之祕記

綴緝數十年勒成一書

蓋自

人皇肇基二千餘年

神裔相承

列聖纘統姦賊未嘗生覬

九
御
一
窳之心神器所在與日
中月並照猗歟盛哉究其
所原寔由

祖宗仁澤固結民心磐石
邦基也其明良際會都

俞吁咈之美考諸舊記
可以概見迨乎中葉
英主迭興持盈守成嘉謨
徽猷莫愧于古而文獻
不備明辟賢輔之迹多

堙晦不章者豈不重可惜乎此斯書之所以作也網條在膝下每聞其言曰史者所以記事也據事直書勸懲自見焉

自上世迄今風俗醇澆政理隆替炤炤然如覩諸掌善可以為法惡可以為戒而使亂賊之徒知所懼將以裨益世教

維持綱常文不可不直
事不可不核如有所出
入左右則豈可謂之信
史乎如是書則惟務其
實不求其華寧失於繁

莫過於簡至其刪裁姑
有俟乎大手筆書未及
成先人即世綱條雖無
似服膺遺囑罔敢失墜
閱十餘年校訂略完自

神武至
 後小松應世一百立為本
 紀七十三列傳一百七
 十都二百四十三卷名
 曰大日本史非敢謂

昭代之成典乃備後來
 修史者之採擇爾若夫
 時運開塞行事得失可
 以為勸可以為戒者悉
 據事直書不敢有所出



入左右亦所以遵奉先人之意也

正德五年乙未十一月

權中納言從三位源綱條謹序

大日本史卷之一

本紀第一

權中納言從三位源光圀 修

男權中納言從三位綱條 校

玄孫權中納言從三位治保重 校

神武天皇

綏靖天皇

安寧天皇

懿德天皇

大日本史 卷一 本紀 一

孝昭天皇

孝安天皇

孝靈天皇

孝元天皇

開化天皇

神武天皇諱彥火火出見

○古事記曰名若御毛沼又名豐御

毛沼小名狹野

說及舊事紀一

天祖大日靈尊

治高天原是為天照大神

天祖之稱據古語拾遺

天照

大神之子正哉吾勝勝速日天忍穗耳尊娶

高皇產靈尊女栲幡千千姬生天津彥彥火

瓊瓊杵尊天祖既命羣神平定下土迺使天

孫降居葦原中國而為之主賜以八坂瓊曲

玉及八咫鏡草薙劍三種寶物因謂之曰豐

葦原瑞穗國是吾子孫可王之地也爾宜就

而治焉寶祚之隆當與天壤無窮矣於是瓊

瓊杵尊離天磐座降於日向高千穗峯遂到

吾田娶大山祇女木華開邪姬生彥火火出

見尊彥火火出見尊娶海神豐玉彥女豐玉

姬生彥波瀲武鸕鷀草薨不合尊參取本瓊

瓊杵尊而下至薨不合尊世世相襲有天津

日高之號天津日高之後世尊之亦皆稱天

祖皆稱天祖據古語拾遺按木書亦云天祖

之胤傳於無窮故騰極謂之日嗣騰極日嗣

統紀及續日上世之事年代悠遠神異不測

總而稱之曰神代云天皇薨不合尊第四子

也○本書第一說作第母曰玉依姬以庚午歲

生焉以庚午歲生據水鏡歷代皇紀及本書

年代略記為正生而明達意確如也年十五

立為太子及長納吾平津媛為妃甲寅歲天

皇年四十五歲在高千穗宮高千穗宮當是

之時西州久被王化東國未服從長髓彥奉

饒速日命為主兄猾弟猾八十梟帥兄磯城

弟磯城等各為君長不相統一天皇謂諸皇

兄及皇子曰○古事記曰與天祖降迹以來

多歷年所而時運草昧治此西偏遼邈之地

猶未霑王澤遂使邑有君村有長各自分疆

用相陵轢、聞諸鹽土老翁、東有美地、青山四
 周、又有乘天磐船而降焉者、意其饒速日乎、
 彼土蓋六合之中、足以恢弘大業、光宅天下、
 宜就而都之、諸皇子皆贊成之、十月五日辛
 酉、天皇親帥皇兄五瀨命、稻飯命、三毛入野
 命、及皇子手研耳命等、舟師東征、抵速吸門、
 有漁人珍彥者來迎、命之鄉導、賜名椎根津
 彥、進至筑紫國菟狹、菟狹津彥、菟狹津媛、造
 宮奉饗、以菟狹津媛賜侍臣天種子命為妻、

十一月九日甲午、至崗水門、十二月二十七

日壬午、至安藝、居埃宮、乙卯歲、三月六日己

未、入吉備國、造行宮、曰高島宮、居之三年、備

舟楫、蓄兵食、將一舉而平天下、

○古事記曰、

紫、居岡田宮一年、又抵阿岐國、居多祁理宮
 七年、又入吉備國、居高島宮八年、及發吉備
 到速吸門、遇
 槁根津日子、戊午歲、二月十一日丁未、舟師

遂東、舳艫相接、抵浪速國、三月十日丙子、溯

流、至河內草香邑青雲白肩津、四月九日甲

辰、勒兵赴龍田、路嶮隘不得並行、乃還、欲東

歷膽駒山而入中州、長髓彥悉衆、徼之、孔舍
 衛坂、與戰不利、五瀨命中流矢、師不能進、天
 皇憂之、乃謀曰、我是日神子孫、而向日征虜、
 是逆天也、不若退還、示弱、禮祭神祇、背負日
 神之威、隨影、躡則不血刃、虜必自敗矣。古○
 事記、爲五瀨命之言、於是引軍而還、虜亦不敢逼、退至
 草香津、植盾爲雄詔、因更名其津曰盾津。古○
 事記曰、天皇自浪速至白肩津、時長髓彥
 逆戰、乃取舟中之楯禦之、號其地曰楯津、五
 月八日癸酉、至茅渟山城水門、五瀨命病創

甚、慨然撫劔曰、大丈夫爲虜所傷、不報而死
 邪、進至紀伊竈山而薨、六月二十三日丁巳、
 入名草邑、誅名草戶畔、遂歷狹野、抵熊野神
 邑、絕海而進、遇暴風漂蕩、稻飯命、三毛入野
 命、憤惋入海、天皇獨與皇子手研耳命、進至
 荒坂津。○本書註、又誅丹敷戶畔、時有神吐
名丹敷浦、
 氣毒人、軍衆皆病、不能復振、天皇亦寐、及熊
 野人高倉下獻節靈劔、忽然寤曰、予何長眠
 若此乎、士卒尋起、旣而欲進入中州、山路險

大日本書紀 卷一 本紀 四

絕不知所嚮。天皇夢天照大神誨曰：今遣頭八咫鳥往，宜以爲鄉導。會頭八咫鳥至，天皇大喜，令道臣命帥大來目，從頭八咫鳥而啓行，遂得達于菟田下縣。八月二日乙未，召菟田魁帥兄猾、弟猾，兄猾不至，乃遣道臣命誅之。弟猾大設牛酒犒王師，天皇班酒肉於軍，乃爲歌，是謂來目歌。天皇親率輕兵巡吉野，土人井光等來屬。九月五日戊辰，天皇登菟田高倉山，瞻望域中，八十梟帥軍國見岳上，

置女軍於女坂，男軍於男坂，熾炭於墨坂，又兄磯城，兵布滿磐余邑，皆已據守要害，道路絕塞。天皇惡之，是夜自祈而寢，夢有神誨，時會弟猾上言，其言與夢協。天皇大喜，命椎根津彥、弟猾取天香山土，卽造八十平瓮。天手扶嚴瓮，祭神祇於丹生川上，祝曰：吾當用八十平瓮無水造飴，飴成則不假鋒刃，坐平天下，飴果成。又祝曰：吾當沈嚴瓮於丹生川，若羣魚醉而浮，則吾能定國。及沈瓮，魚皆浮出。

天皇大喜，乃拔丹生川上真坂樹，以祭諸神。祭神用嚴笮，自此始。又親顯齋于高皇產靈尊，命道臣命爲齋主，授嚴媛號。十月癸巳朔，天皇嘗嚴笮之糧，勒兵而出，遂破八十梟帥於國，見岳斬之。迺命道臣命誘其餘黨殲之。天皇曰：「戰勝而無驕，良將之行也。今賊魁旣滅，同惡猶繁，何可久頓一處，無以制變。」乃徙營別處。十一月七日己巳，大舉將攻磯城。遣使召其魁，兄磯城拒命，弟磯城來降。因使弟

磯城曉諭兄磯城及兄倉下、弟倉下，皆不聽。乃用椎根津彥計，設奇兵，自墨坂出其後，夾擊破之。遂斬兄磯城。天皇以五瀨命爲長髓，彥隕命意欲殄滅之。十二月四日丙申，進討長髓彥，連戰不克。適天陰雨，水有鷄集，天皇弓弭，金色曄煜，狀如流電，賊軍迷眩，不能復戰。因縱兵急攻之，饒速日命殺長髓彥，率衆歸順。己未歲二月二十日辛亥，命諸將練士卒，分遣偏師，誅層富縣土蜘蛛，新城戶畔居

勢祝、猪祝等。○釋日本紀曰、時謂賊又高尾

張邑有土蜘蛛、身短而手足長、結葛網掩殺

之、因更名其邑曰葛城。○按本書、先是、弟狛

八十梟帥、據之則此云土蜘蛛、至是中州平定、

時習俗朴陋、巢棲穴處、天皇欲經營宮室、以

鎮民心、三月七日丁卯、下令奠都於畝傍山

東南、樞原之地、是月、命有司經始之、庚申歲、

九月二十四日乙巳。○本書作己巳、推甲子、

從舊事、納媛蹈鞞五十鈴媛為正妃、

元年辛酉、春正月庚辰朔、即天皇位於樞原

宮、時年五十二。年據水鏡、歷代皇紀、及本號

曰神日本磐余彥火火出見天皇、立正妃為

皇后、建神籬祭八神、鎮護國家、天富命率諸

齋部、捧天璽鏡、奉安正殿、天種子命奏天

神壽詞、可美真手命率內物部、執矛楯、嚴儀

衛、道臣命率來目部、護衛宮門、羣臣朝賀、命

天種子命、天富命、共掌祭祀。建神籬以下、舊

○舊事紀、年中行事、並曰、十一月十五日庚

寅、可美真手命為天皇皇后祭天璽瑞寶、以

鎮御魂、祈壽祚、鎮魂祭始于此。

二年壬戌春二月二日乙巳定功行賞。○按

紀是日可美真手命天日方奇日方命為申食國政大夫、本書所不載、頗可疑、姑附備考、

此下倭賜道臣命宅地、令居築阪邑、大來日居

畝傍山西、以椎根津彥為倭國造、弟狛為猛

田縣主、弟磯城為磯城縣主、高皇產靈尊五

世孫劔根為葛城國造。高皇產靈尊五世孫、據姓氏錄、并賞

頭八咫鳥。

四年甲子春二月二十三日甲申、以諸虜已

平、海內無事、詔作時於鳥見山、祭皇祖天神。

三十一年辛卯夏四月乙酉朔、車駕巡幸、登

腋上、噉間丘、迴望地形、稱其似蜻蛉之臀、占

焉、由是始有秋津洲之號。○蜻蛉讀為秋津

四十二年壬寅春正月三日甲寅、立皇子神

渟、名川耳、尊為皇太子。

七十六年丙子春三月十一日甲辰、天皇崩

於橿原宮、年一百二十七。○古事記曰、壹佰

記所載崩年、多與本書不合、葬畝傍山東北、今標其異、以備考索、下倭此。

陵○古事記曰陵在畝傍山北白禱尾上追謚曰神武天皇○

謚之神武等謚淡海三船奉敕撰日本紀引私記

神武以下至文武四十二代謚號淡海公所

制也二說不同按古事記日本紀正文絕不

書追謚則知和銅養老間未有此制明非不

比等所撰矣三船歷事孝謙廢帝光桓武

數朝而續日本紀元正以前諸書成於桓武

謙以後者皆舉追謚然史無明

文故不書某朝追謚下倣此

綏靖天皇神武帝第五子也○按本書為第

所生而書也然帝有二庶兄母媛蹈韞五十

則古事記作第五子為得矣母媛蹈韞五十

鈴媛皇后天皇風姿岐嶷少有雄拔之氣及

壯魁傑沉毅最長武事神武帝四十二年立

為皇太子七十六年三月神武帝崩皇太子

資性純孝悲慕無已悉心葬事庶務一委于

庶兄手研耳命丁丑歲九月十二日丙寅葬

神武天皇手研耳命以諒闇之際威福由已

遂圖害皇太子皇太子知其情密為之備已

大日本書紀

卷一

本紀

九

矢皇太子乃奪其弓矢射而殪之

元年庚辰春正月八日己卯天皇即位時年

五十二年據水鏡皇代記歷代皇紀是為神

淳名川耳天皇研古事記曰天皇既殺手都

於葛城是謂高丘宮

二年辛巳春正月立五十鈴依媛為皇后舊○

事紀曰三年正月以彥湯支命為申食國政大夫

四年癸未夏四月神八井耳命薨

二十五年甲辰春正月七日戊子立磯城津

彥玉手看尊為皇太子

三十三年壬子夏五月天皇不豫十日癸酉

崩年八十四肆○古事記曰葬桃花鳥田丘上

陵追謚曰綏靖天皇

安寧天皇綏靖帝子也母五十鈴依媛皇后

綏靖帝二十五年立為皇太子三十三年五

月綏靖帝崩七月三日乙丑皇太子即天皇

位○按據本書立為皇太子時年二十一之

文推之則天皇即位年二十九然與本書

崩年五十七之文不合若據崩年推之則此

大日本書紀

卷一

神代卷

十一

十六之文則天皇年十五懿德帝已生頗為
 可疑蓋立為太子年二十一近是而崩年五
 十七五或六之誤又按水鏡愚管鈔並云元
 年年二十此亦據本書崩年推之耳今姑闕
 疑不註即位時年幾○舊事紀水鏡皇代是
 記愚管鈔並云元年癸丑即位附以備考是
 為磯城津彥玉手看天皇

元年癸丑冬十月十一日丙申葬綏靖天皇
 尊皇后曰皇太后

二年甲寅遷都片鹽是謂浮孔宮

三年乙卯春正月五日壬午立淳名底仲媛
 為皇后○舊事紀曰四年四月以出雲色命
 為申食國政大夫大禰命為侍臣

十一年癸亥春正月壬戌朔立大日本彥耜
 友尊為皇太子

三十八年庚寅冬十二月六日乙卯天皇崩
 年五十七○古事記曰葬畝傍山南御陰井
 肆拾玖歲

上陵○延喜式山追謚曰安寧天皇

懿德天皇安寧帝第二子也○按水鏡皇代
 記為第三子誤

母淳名底仲媛皇后安寧帝十一年立為皇
 太子三十八年十二月安寧帝崩

元年辛卯春二月四日壬子天皇即位時年

四十四、年據皇代記及本書立為太子年十六之文、○按愚管鈔作三十四誤

是為大日本彥耜友天皇、秋八月丙午朔葬

安寧天皇、九月十四日己丑、尊皇后曰皇太

后、

二年壬辰、春正月五日戊寅、遷都於輕、是謂

曲峽宮、○古事記作境岡宮二月十一日癸丑、立天豐

津媛為皇后、

二十二年壬子、春二月十二日戊午、○本書作戊子

今推甲子從舊事紀立觀松彥香殖稻尊為皇太子、

三十四年甲子、秋九月八日辛未、天皇崩、年

七十七、本書享年闕、今據水鏡皇代記、皇年代略記及本書立為太子年十六之

文、○古事記曰、肆拾伍歲、葬畝傍山南織沙谿上陵、追謚

曰懿德天皇、

孝昭天皇、懿德帝子也、母天豐津媛皇后、懿

德帝二十二年、立為皇太子、三十四年九月、

懿德帝崩、明年乙丑、十月十三日庚午、葬懿

德天皇、

元年丙寅、春正月九日甲午、○本書作甲子、今推干支從帝

王編、天皇即位、時年三十一、年據本書立為太子年十八之

文○水鏡作三十二、是為觀松彥香殖稻天

皇、夏四月五日己未、尊皇后曰皇太后、秋七

月、遷都掖上、是謂池心宮、

二十九年甲午、春正月三日丙午、立世襲足

媛為皇后、

六十八年癸酉、春正月十四日庚子、立日本

足彥國押人尊為皇太子、

八十三年戊子、秋八月五日辛酉、天皇崩、年

一百十四、本、書、享、年、闕、今、據、水、鏡、皇、代、記、一

年、十、八、之、文、○、占、葬、掖、上、博、多、山、上、陵、追、謚

曰孝昭天皇、

孝安天皇、孝昭帝第二子也、母世襲足媛皇

后、孝昭帝六十八年、立為皇太子、八十三年

八月、孝昭帝崩、

元年己丑、春正月七日辛卯、天皇即位、時年

三十六、年、據、水、鏡、歷、代、皇、紀、愚、管、鈔、及、是、為

日本足彥國押人天皇、秋八月辛巳、朔、尊皇

后曰皇太后、

二年庚寅冬十月、遷都於室、是謂秋津島宮、

○舊事紀曰、三年八月、以六見命、三見命、並為宿禰、

二十六年甲寅春二月十四日壬寅、立押媛

為皇后、

三十八年丙寅秋八月十四日己丑、葬孝昭

天皇、○按葬事不應稽延至此、舊事紀為元年己丑八月葬、近是、今姑據本書舊文、

不輒改焉、

七十六年甲辰春正月五日癸酉、立大日本

根子彥太瓊尊為皇太子、

一百二年庚午春正月九日丙午、天皇崩、年

一百三十七、

本書享年闕、今據水鏡、皇代記、

年二十之文、○古事記曰、壹佰貳拾參歲、葬玉手丘上陵、追謚曰

孝安天皇、

孝靈天皇、孝安帝子也、母押媛皇后、孝安帝

七十六年、立為皇太子、一百二年正月、孝安

帝崩、九月十三日丙午、葬孝安天皇、十二月、

遷都黑田、是謂廬戶宮、

元年辛未春正月十二日癸卯天皇即位時

年五十三年據水鏡愚管鈔異本皇代記及

皇尊皇太后曰皇太后歷代皇紀皇代是為大日本根子彥太瓊天

二年壬申春二月十一日丙寅立細媛為皇

后○舊事紀曰三年正月以大

三十六年丙午春正月己亥朔立彥國牽尊

為皇太子

七十六年丙戌春二月八日癸丑天皇崩年

一百二十八本書享年關今據皇年代略記

陵追謚曰孝靈天皇上六之文○古事記曰壹佰陸葬片丘馬坂

孝元天皇孝靈帝長子也母細媛皇后孝靈

帝三十六年立為皇太子七十六年二月孝

靈帝崩

元年丁亥春正月十四日甲申天皇即位時

年六十年據水鏡愚管鈔及本書立為太子

代皇紀皇代記是為大日本根子彥國牽天

一說並六十一

皇尊皇后曰皇太后

四年庚寅春三月甲午○按本書曰春三月甲申朔甲午今推甲

子三月癸未朔十二日甲午正月甲申朔十一日甲午蓋正訛作三乎然無所校正遷

都於輕是謂境原宮

六年壬辰秋九月六日癸卯葬孝靈天皇○舊

事紀係四年

七年癸巳春二月二日丁卯立鬱色謎為皇

后○舊事紀曰八年正月以大綜杵命為大禰

二十二年戊申春正月十四日壬午立稚日

本根子彥太日日尊為皇太子○水鏡皇代略

記並曰三十九年六月大雪

五十七年癸未秋九月二日癸酉天皇崩年

一百十六本書享年闕今據皇年代略記異

九之文○古事記曰伍拾柒歲葬劔池島上

陵○古事記曰劔池追謚曰孝元天皇

開化天皇孝元帝第二子也母鬱色謎皇后

孝元帝二十二年立為皇太子五十七年九

月孝元帝崩十一月十二日壬午皇太子即

天皇位時年五十一年據水鏡愚管鈔皇代記及本書立為太子年
十六之文○歷代皇紀作五
十二異本皇代記五十六
 是為稚日本根
 子彥太日日天皇

元年甲申春正月四日癸酉尊皇后曰皇太后冬十月十三日戊申遷都春日是謂率川宮

五年戊子春二月六日壬子葬孝元天皇○按
舊事紀係六年蓋以即位年紀元故與本書差一年今不取如安康紀雄略紀仁賢紀亦以即位年為元年與本書異而其他事繫年則與本書同如宣化紀紀元繆誤殊甚今

不悉標各處

六年己丑春正月十四日甲寅立伊香色謎

為皇后○舊事紀曰八年正月以武建命大峯命並為大禰

二十八年辛亥春正月五日丁酉立御間城

入彥尊為皇太子

六十年癸未夏四月九日甲子天皇崩年一

百十一本書享年闕今據皇年代略記及本

舊事紀並曰百十五葬春日率川坂本陵○

古事記曰陸拾參歲追謚曰開化天皇

大日本史卷之一終

大日本史卷之二

本紀第二

權中納言從三位源光圀 修

男權中納言從三位綱條 校

玄孫權中納言從三位治保重 校

崇神天皇

垂仁天皇

景行天皇

成務天皇

崇神天皇、開化帝第二子也、母伊香色謎皇
 后、天皇資性聰敏、幼有雄略、及壯、寬博謹慎、
 崇重神祇、恒有經綸天業之志、開化帝二十
 八年、立為皇太子、六十年四月、開化帝崩、十
 月三日乙卯、葬開化天皇、

元年甲申、春正月十三日甲午、天皇即位、時
 年五十二、年據水鏡、皇代記、愚管鈔、及
 本書立為太子年十九之文、是為

御間城入彥五十瓊殖天皇、尊皇后曰皇太
 后、二月十六日丙寅、立御間城姬為皇后、

三年丙戌、秋九月、遷都磯城、是謂瑞籬宮、

四年丁亥、冬十月二十三日壬午、詔曰、惟我

皇祖諸天皇、光臨宸極、豈為一身、蓋所以司

牧人神、經綸天下、故能世闡玄功、時流至德、

今朕奉承大運、愛育黎元、何以聿遵皇祖之

跡、永保無窮之祚、羣卿百僚、竭爾忠貞、共安

天下、○舊事紀曰、是歲二月、以建膽心命為
 大禰、多辨命為宿禰、安毛建美命為侍

臣、

五年戊子、民多疾疫、死亡大半、

六年己丑、百姓流離、或有背叛、天皇憂惕、請罪神祇、先是、祭天照大神、倭大國魂神於殿內、至此、畏其瀆神、使皇女豐楸入姬、遷神鏡、靈劍於倭笠縫邑、而祭天照大神、別摸鏡劍、奉安殿內、以為護身御璽、遷摸鏡劍、據古語拾遺、又命皇女淳名城入姬、祭大國魂神、○按本書垂仁紀註一、其說與此異、今不悉註、

七年庚寅、春二月十五日辛卯、詔曰、昔我皇祖、大啓鴻基、聖業逾高、王風轉盛、不意今當

朕世、數有災害、恐朝無善政、取咎於神祇、盍命神龜、以質致災之所由、於是天皇幸神淺茅原、卜之於八十萬神、乃祭大物主神、天皇復齋戒沐浴、潔淨殿內、以禱消災、夢大物主神告曰、天皇何憂國之不治、若使我兒大田田根子祭我、則國速治、海外之國、自當歸服、天皇大喜、布告天下、訪求大田田根子者、得之茅渟縣陶邑、○古事記作美努村、冬十一月八日己卯、○按本書諸本作丁卯、今推命伊香色干支、據卜部兼永本訂之、

雄為班神物者、使大田田根子祭大物主大神、長尾市祭倭大國魂神、然後卜祭他神、吉、乃別祭八十萬神、定天社、國社、神地、神戶、於是疫疾始息、年豐民安、

八年辛卯、冬十二月二十日乙卯、令大田田

根子祭大物主神、天皇臨焉、祭畢宴神宮、

九年壬辰、夏四月十六日己酉、天皇感夢、祠

墨坂神、大坂神、

十年癸巳、秋七月二十四日己酉、詔曰、導民

之本、在於教化、今既禮神祇、災害悉息、然遠

荒之人、未霑王化、其選羣卿、遣于四方、令知

朕意、九月九日甲午、遣大彥命於北陸、武渟

川、別於東海、彥五十狹芹彥命於西道、丹波

道、主命於丹波、命曰、有不受教者、舉兵伐之、

既而共授印綬、為將軍、將軍始于此、將軍始

職原鈔、神皇正統記、○古事記載遣大彥命

于高志道、武渟川、別命于東方、十二道、令平

而不順者、又遣彥坐王于丹波、殺玖賀耳御笠

而、不載彥五十狹芹彥命、丹波道主命、與本

書、及發會武埴安彥、反與妻吾田媛、欲襲帝

大日本史 卷二
京、即使大彥命、彥五十狹芹彥命、彥國葺討
之、武埴安彥、吾田媛伏誅、冬十月乙卯朔、詔
羣臣曰、反者伏誅、畿內無事、唯海外荒俗、騷
動未止、四道將軍其速發、二十二日丙子、大
彥命等各赴四道、

十一年甲午、夏四月二十八日己卯、四道將
軍奏平戎夷狀、是歲、異俗歸附、海內安寧、
十二年乙未、春三月十一日丁亥、詔曰、朕初
承天位、獲保宗廟、明有所救、德不能綏、是以

陰陽謬錯、寒暑失序、疫病大作、百姓被災、故
今解罪改過、敦禮神祇、垂教而綏、荒俗、舉兵
以討不服、是以官無廢事、下無逸民、教化流
行、衆庶樂業、異俗重譯、海外歸化、宜當此時、
更校人民、令知長幼之次序、及課役之先後、
秋九月十六日己丑、始校人民、更課調役、此
謂男之弭調、女之手末調、至是神祇和享、風
雨順時、百穀成熟、家給人足、天下太平、故稱
曰御肇國天皇、

十七年庚子秋七月丙午朔詔曰船者天下之利用也而今海邊之民以無船甚苦陸運

其令諸國造船船舶冬十月始造船船舶○按皇代記

年代略記歷代皇紀濫觴鈔並曰十四年丁酉伊豆國獻巨船歷代皇紀又曰帝世始名

人車未製衣冠附以酒酢及橋

四十八年辛未夏四月十九日丙寅立活目

尊為皇太子令豐城命治東國

六十年癸未秋七月詔遣使出雲求神寶出

雲振根殺其弟飯入根遣彥五十狹芹彥命

武渟川別討振根振根伏誅

六十二年乙酉秋七月二日丙辰詔曰農者

天下之大本也民所恃以生也今河內狹山

埴田水少是以百姓怠於農事其多開池溝

以寬民業冬十月作依網池十一月作荊坂

池反折池○本書註一說曰帝居桑間宮造此三池

六十五年戊子秋七月任那國始遣使朝貢

○水鏡皇年代略記熊野略記引古今皇代圖並曰是歲始造熊野本宮

六十八年辛卯冬十二月五日壬子天皇崩

年一百十九、年據水鏡、及本書立為太子年、十九之文、○本書舊事紀並曰、百二十、古事記曰、壹佰陸、拾捌歲、戊寅歲十二月崩、葬山邊道上陵、追謚曰崇神天皇、

垂仁天皇、崇神帝第三子也、母御間城姬皇、后、以崇神帝二十九年正月己亥朔、生於瑞籬宮、生而有岐嶷之姿、及壯、倜儻大度、率性任真、無所矯飾、崇神帝愛之、引置左右、四十八年正月、崇神帝謂天皇及豐城命曰、朕於二子、慈愛無異、不知孰為嗣、有夢宜告、朕以

夢占之、二皇子沐浴而寢、明日豐城命入奏、夢登御諸山、向東而弄槍者八、擊刀者八、天皇奏、夢登御諸山巔、緝繩四方、逐啄粟雀、崇神帝諭之曰、兄唯向東、宜治東國、弟臨四方、宜繼朕位、遂立為皇太子、六十八年十二月、崇神帝崩、

元年壬辰、春正月二日戊寅、天皇即位、時年四十一、○年據本書、崇神帝二十九年生之文、按水鏡、愚管鈔、皇代記、作四十三、誤、是為活目入彥五十狹茅天皇、冬十月十

一日癸丑、葬崇神天皇、

○按本書崇神紀曰、八月甲寅葬、蓋有一

誤、未知孰是、

十一月二日癸酉、尊皇后曰皇太后、

二年癸巳、春二月九日己卯、立狹穗姬為皇

后、冬十月、遷都纏向、是謂珠城宮、是歲、任那

使請歸國、許之、特厚給與、賜赤絹一百匹於

任那王、新羅人邀道奪之、二國始構怨、

三年甲午、春三月、新羅王子天日槍歸化、

五年丙申、冬十月己卯朔、幸來日高宮、皇后

兄狹穗彥謀反、使將軍八綱田討之、狹穗彥

伏誅、皇后死其城中、

七年戊戌、秋七月七日乙亥、召當麻邑人蹶

速、出雲人野見宿禰、觀其角力、

十五年丙午、秋八月壬午朔、立日葉酢媛為

皇后、納其三妹淳葉田瓊入媛、真砥野媛、筋

瓊入媛、並為妃、

○水鏡曰、是月星隕如雨、

二十五年丙辰、春二月八日甲子、詔武渟川

別、彥國葺大鹿島、十千根、武日五大夫曰、○舊


事紀曰、二十三年八月、我先皇惟叡作聖、欽以十市根命為大夫、

明聰達、謙損冲退、綢繆機衡、禮祭神祇、克已勤躬、日慎一日、是以人民富足、天下太平、今當朕世、祭祀神祇、豈得有怠乎、三月十日丙申、使倭姬代豐鍬入姬、奉齋天照大神、倭姬奉天照大神、立祠伊勢、建齋宮於五十鈴川上、○本書註一說云、倭姬命奉天照大神、鎮坐於磯城嚴檀之下、而祭之、後隨神誨、以丁巳年冬十月、遷于伊勢國渡遇宮、

二十六年丁巳、秋八月三日庚辰、遣物部十千根、○按舊事紀、八十一年、十千根命賜姓物部、連公、然本書此條、書物部大連、似

既賜姓、豈追書之乎、今姑從舊文、檢出雲神寶、仍命掌之、

二十七年戊午、秋八月七日己卯、令祠官卜以兵器為祭幣、吉、乃納弓矢刀於諸社、更定神地神戶、以時祭之、以兵器祭神始于此、是歲置屯倉于來目邑、
二十八年己未、冬十月五日庚午、倭彥命薨、聚近習為殉、天皇聞而惻之、詔羣卿曰、生而所愛、死而為殉、不亦慘乎、雖古之遺風、曷可遵用、自今止之、



三十二年癸亥秋七月六日己卯皇后日葉

酢媛崩詔以土像物用代殉立為永制以野

見宿禰任土部職建真利根命獻石棺賜姓

石作大連公建真利根命以下姓氏錄

三十四年乙丑春三月二日丙寅行幸山背

三十五年丙寅秋九月遣皇子五十瓊敷命

于河内作高石池茅渟池冬十月作倭狹城

池迹見池古事記曰作血沼是歲令諸國

開池溝凡八百以勸農事民賴殷富

三十七年戊辰春正月戊寅朔立大足彥尊

為皇太子

三十九年庚午冬十月五十瓊敷命作劔一

千口藏于石上神宮天皇乃命五十瓊敷命

掌神宮寶物為定河上部為定以下古事記

八十七年戊午春二月五日辛卯以物部十

千根代五十瓊敷命掌石上神寶皇紀按歷代

鈔並云八十六年始遣使于漢蓋據後漢書

光武紀中元二年倭奴國遣使朝貢之文今

檢倭國傳曰倭奴國奉貢使人自稱大倭

國之極南界也然則邊邑私通非朝廷所命

明矣、故不取、

八十八年己未、秋七月十日戊午、遣使但馬、

詔清彥、獻其曾祖天日槍所齎寶物、藏之官

府、

九十年辛酉、春二月庚子朔、遣田道間守、求

非時香菓於常世國、

九十九年庚午、秋七月戊午朔、○今推于支、

戊午十四日也、疑有脫、天皇崩于纏向宮、○本

書景行紀曰、春二月、孰是、年一百三十九、○本

崩、與此異、未知孰是、年一百三十九、○本

並曰、百四十、據本書帝以崇神帝二十九

壬子生、則至庚午實一百三十九歲也、正

壹年、○占事記曰、葬菅原伏見陵、○伏見東

陵、古事記作菅原御立野、追謚曰垂仁天皇、

續日本紀作櫛見山陵、景行天皇、垂仁帝第三子也、母日葉酢媛皇

后、天皇身長一丈二寸、脛四尺一寸、天皇身

古事記、垂仁帝三十年、天皇與兄五十瓊敷命

侍帝側、帝曰、二子試言情願、五十瓊敷命曰、

願得弓矢、天皇曰、欲得皇位、因賜弓矢五十

瓊敷命、謂天皇曰、汝必繼朕位、三十七年、立

為皇太子、九十九年七月、垂仁帝崩、十二月十日壬子、葬垂仁天皇、

元年辛未、秋七月十一日己卯、天皇即位、

按○

愚管鈔云、年四十四、皇代記六十四、皇年代略記二十四、未知何據、今據本書立為太子

年二十一、文推之、則時年八十四、然與本書崩年一百六歲之文不合、故不書時年幾

是為大足彥忍代別天皇、○舊事紀曰、尊皇

書垂仁帝三十二年、皇后日葉酢媛崩、其後無立后之文、舊事紀所書、不知何人、且舊事

紀孝元帝以後、尊皇太后曰皇太后、每紀必書尊皇太后追贈太皇太后、而太皇太后稱

謂、本書一無所見、蓋是歲、田道間守得香菓後、人所妄加、今不取、

於常世國而歸、

二年壬申、春三月三日戊辰、○舊事紀立播

磨稻日太郎媛為皇后、

三年癸酉、春二月、欲幸紀伊親祭神祇、卜之、

不吉、遣屋主忍男武雄心命祭之、

四年甲戌、春二月十一日甲子、行幸美濃、冬

十一月庚辰朔、乘輿還自美濃、都纏向、是謂

日代宮、

十二年壬午、秋七月、熊襲叛、八月十五日己

西車駕親征、九月五日戊辰、次周芳娑磨、天
皇南望、謂羣卿曰、烟氣簇起、賊必在此、先遣
武諸木、菟名手、夏花覬之、有女子神夏磯媛、
徒衆最多、聞使者至、獻八尺瓊、八握劔、八咫
鏡、迎降、告曰、我族今既歸德、願無下兵、更有
四賊、其居菟狹川上者曰鼻垂、居御木川上
者曰耳垂、居高羽川上者曰麻剝、居綠野川
上者曰土折猪折、各據守要害、拒絕皇命、請
急擊之、於是武諸木等誘降麻剝、賞以赤衣

禪及雜貨、使之招降三賊、隨至悉誅之、天皇
進至豐前長峽縣、造行宮而居焉、冬十月、天
皇至碩田國、速見邑有女子速津媛、爲邑之
長、來告曰、鼠石窟有二土蜘蛛、曰青、曰白、直
入縣禰、疑野有三土蜘蛛、曰打猿、曰八田、曰
國摩侶、並強力、亦多徒衆、皆曰不從皇命、若
強召之、興兵相拒、天皇惡之、駐軍于來田、見
邑權興宮室居之、與羣臣議、今以兵衆臨之、
彼逃匿山野、必爲後患、乃以海石榴作椎、簡

大日本史 卷二
本紀
十一
銳卒授之、披山排莽、直襲石窟、破之、稻葉川
上、悉殺青白二賊、進至禰疑山、討打猿賊、據
山、雨射、天皇還城原、卜于水上、勒兵先擊八
田於禰疑野、破之、打猿等恐懼、請降、不聽、皆
投崖谷而死、初、天皇次柏峽大野、有巨石、長
六尺、天皇祝曰、朕得滅土蜘蛛者、蹴石如柏
葉之揚、因蹴之、果如其言、故名其石曰蹈石、
十一月、幸日向、起行宮、是謂高屋宮、十二月
五日、丁酉、議討熊襲、詔羣卿曰、朕聞襲國有

賊帥厚鹿文、迕鹿文者、醜類甚多、謂之熊襲、
八十梟帥、其鋒不可當、兵寡則不足滅賊、多
則百姓被害、何以得不假鋒刃、坐平其國、時
有一臣、進曰、熊襲梟帥有二女、曰市乾鹿文、
市鹿文、有勇且美、宜啗以重幣、誘納之、使其
圖之、天皇從之、招納二女、陽嬖市乾鹿文、既
而市乾鹿文奏曰、無憂熊襲之不服、妾有良
計、乃從一二兵歸家、飲父以醇酒、伺其醉卧、
密斷弓弦、從者進殺之、天皇惡其不孝、誅市

乾鹿文、以妹市鹿文賜火國造、

十三年癸未、夏五月、襲國悉平、

○皇代略記、皇

代皇紀、濫觴鈔並云、是月賜諸國民姓、附以備考、

十七年丁亥、春三月十二日己酉、幸子湯縣

丹裳小野、東望思歸而作歌、是謂思邦歌、

十八年戊子、春三月、天皇將向京、巡狩筑紫

國、到夷守、諸縣君泉媛獻食、夏四月三日甲

子、至熊縣、召熊津彥兄弟、兄熊應命、弟熊不

來、遣兵誅之、十一日壬申、泛海泊葦北小島、

方食、使小左進水、島素無水、小左祈神祇、寒

泉忽湧、酌以獻、因號水島、五月壬辰朔、至火

國、六月三日癸亥、至玉杵名邑、誅土蜘蛛津

頰、十六日丙子、至阿蘇國、秋七月四日甲午、

至御木國、居高田行宮、七日丁酉、至八女縣、

八月、至浮羽邑、

十九年己丑、秋九月二十日癸卯、天皇至自

日向、

二十年庚寅、春二月四日甲申、遣五百野皇

女祭天照大神

二十五年乙未秋七月三日壬午遣武内宿

禰於北陸及東方諸國觀察地形民風

二十七年丁酉春二月十二日壬子武内宿

禰還自東國秋八月熊襲又叛冬十月十三

日己酉使皇子日本武尊討熊襲

○舊事紀
係二十年

蓋十二月日本武尊誅川上梟帥餘黨悉平

二十八庚戌春二月乙丑朔日本武尊歸

奏平賊狀

四十年庚戌夏六月東夷叛秋七月十六日

戊戌天皇親授斧鉞於日本武尊征之吉備

武彥大伴武日從焉封皇子大碓命於美濃

冬十月日本武尊發京師

四十三年癸丑東夷悉平日本武尊歸至伊

勢能褒野而疾獻俘虜於神宮使吉備武彥

奏捷京師尋薨天皇悼惜錄其功名為定武

部

五十一年辛酉春正月七日戊子召羣卿宴

數日、秋八月四日壬子、立稚足彥尊為皇太子、以武內宿禰為棟梁之臣、以日本武尊所獻蝦夷、誼譁無禮、不可近神宮、命徙之御諸山側、夷虜伐木劫民、詔曰、蝦夷本有獸心、難處中國、宜隨其習性、分居畿外、乃放諸播磨讚岐伊豫安藝阿波、○伊豫諸本作伊勢、今據兼永本訂之、五十二年壬戌、夏五月四日丁未、皇后播磨稻日太郎姬崩、秋七月七日己酉、立八坂入媛為皇后、

五十三年癸亥、秋八月、天皇幸伊勢、轉入東海、冬十月、至上總、從海路抵淡水門、十二月、還至伊勢、居綺宮、五十四年甲子、秋九月十九日己酉、還自伊勢、居纏向宮、五十五年乙丑、春二月五日壬辰、以彥狹島王拜東山道十五國都督、薨于路、五十六年丙寅、秋八月、使御諸別王襲父彥狹島職、時蝦夷擾亂、御諸別討平之、

五十七年丁卯秋九月作坂手池冬十月令諸國置田部屯倉

五十八年戊辰春二月十一日辛亥行幸近

江居志賀是謂高穴穗宮○熊野略記引古

造熊野新宮帝王編年記係二

六十年庚午冬十一月七日辛卯天皇崩于

高穴穗宮○水鏡曰年一百四十三蓋據本

也然本書舊事紀並曰一百六歲本書前後

矛盾故不書享年○古事記曰壹佰參拾柒

成務天皇景行帝第四子也母八坂入媛皇

后○水鏡曰天皇容貌魁偉身長一丈景行帝五十一年正月

宴羣臣天皇及武內宿禰不朝召問故對曰

宴樂之日百僚遊佚意必不在警備恐有狂

夫窺伺間隙故在門下以備非常爾帝嘉之

八月立為皇太子○按本書曰四十六年立

其一年正月書皇子八月壬子書立為皇太子

紀行六十年十一月景行帝崩

元年辛未春正月五日戊子天皇即位於高

元

穴穗宮高穴穗宮、據古事記、舊事紀、○水鏡

九、皇代、記曰、四、是為稚足彥天皇

二年壬申、冬十一月十日壬午、葬景行天皇

尊皇后曰皇太后○尊皇后、舊事紀、元年

三年癸酉、春正月七日己卯、以武內宿禰為

大臣、大臣始于此大臣始于此、據公卿補任、神皇正統記、○按舊事紀、

自懿德朝、以出雲色命為大臣、以下、書任、大臣亦多、而本書所不載、今不取、

四年甲戌、春二月丙寅朔、詔曰、我先皇聰明

神武、膺籙受圖、順天治人、撥亂反正、德侔覆

燾、道協造化、是以普天率土、莫不王臣、稟氣

懷靈、各得其所、朕嗣踐寶祚、夙夜兢惕、然黎

元蠢爾、不悛野心、是由國郡無君、長縣邑無

首渠也、自今以後、國郡立長、縣邑置首、選當

國之幹了者、任之、以為中區之藩屏、

五年乙亥、秋九月、令國郡立造、長縣邑置稻

置、並賜楯矛、以為表、界山河、分國縣、隨阡陌

定邑里、東西為日縱、南北為日橫、山陽曰影

面、山陰曰背面、是以百姓安居、天下無事、

四十八年戊午春三月庚辰朔立皇姪足仲

彥為皇太子○古事記曰帝娶建忍山垂根

女弟財郎女生和訶奴氣王而

諸書舊事紀仲哀紀及水鏡皇年代略記等

實故今不取

六十年庚午夏六月十一日己卯天皇崩○


書曰一百七歲古事記曰玖拾伍歲註云乙

紀首書景行帝四十六年為皇太子時年二

十據說見上今以景行紀五十八歲然其文難

不合今無所葬倭狹城盾列陵○狹城盾列池

後山追謚曰成務天皇



大日本史卷之二終

